

09 SEPTEMBRIE
RUGACIUNEA 1
SF.CUVIOS
IOSIF DE LA VOLOKOLAMSK

Молитва

О великий наставниче, ревнителю и учителю православныя веры, святе премудре Иосифе! Приими моление нас, грешных, тебе приносимое, и теплым предстательством умоли в Троице славимаго Бога, да ниспослет богатия Своя милости нам, грешным, да утвердит во Святой Своей Православней Церкви правую веру и благочестие: пастырем ея да подаст святую ревность о спасении словеснаго стада, яко да верующих соблюдут, неверующих же и отпадших от истинныя веры вразумят и обратят. Нам же всем испроси вся благопотребная во временнем сем житии и полезная к вечному спасению нашему. Помяни стадо твое, еже собрал еси, не забуди посещати чад твоих и, яко чадолюбивый отец, не презри, ниже отрини моления наша, но воздежи руце твои молитвенней ко Господу Богу, да отложит праведный гнев Свой, движимый на ны, и

избавит нас от враг видимых и невидимых, от
глада, потопа, меча, смертоносная язва,
нашествия иноплемennых и междоусобная
брани. Ей, милосердный заступник наш,
преславный чудотворче, всех нас управи в мире
и покаянии скончати живот наш и преселитися
со упованием в блаженная селения райская,
идеже непрестанно славословится всепетое имя
Отца и Сына и Святаго Духа. Аминь.